

勘誤表

| 卷數  | 頁數 | 行數 | 錯誤    | 更正    |
|-----|----|----|-------|-------|
| 十一  | 四  | 二  | 各一    | 各一又   |
| 十二  | 六  | 一  | 城隍廟   | 城隍廟   |
| 十三  | 八  | 三  | 庚熙    | 康熙    |
| 十四  | 一  | 五  | 機祥    | 機祥    |
| 十五  | 二  | 十  | 廣州    | 廣州    |
| 十六  | 二  | 四  | 州質戶   | 州司馬   |
| 十七  | 二  | 八  | 司馬為春州 | 為春州司馬 |
| 十八  | 七  | 十  | 旌善亭   | 旌善二亭  |
| 十九  | 九  | 三  | 誦法於望賢 | 誦法於望賢 |
| 二十  | 十  | 四  | 而鋤    | 而鋤刈   |
| 二十一 | 十  | 五  | 風氣風   | 風氣開   |
| 二十二 | 十  | 六  | 他邑所有  | 他邑所無  |
| 二十三 | 十  | 七  | 而壻其寶  | 而壻其寶  |
| 二十四 | 十  | 八  | 以罰    | 以罰    |
| 二十五 | 廿  | 三  | 順邑孝廉  | 明邑孝廉  |
| 二十六 | 廿  | 八  | 縛其魁   | 縛其魁   |
| 二十七 | 四  | 二  | 透迤旋室  | 透迤旋室  |
| 二十八 | 四  | 一  | 或如承雲  | 或如承雲  |
| 二十九 | 四  | 一  | 聲鏗    | 聲鏗    |
| 三十  | 四  | 二  | 小語響   | 小語響   |
| 三十一 | 四  | 三  | 多時詩慳  | 多時思慳  |
| 三十二 | 四  | 四  | 人當使夏  | 人當仲夏  |
| 三十三 | 四  | 五  | 披茸    | 披茸    |
| 三十四 | 四  | 六  | 風雨潭   | 風雨寒潭  |
| 三十五 | 四  | 七  | 七言附   | 六言附   |
| 三十六 | 四  | 八  | 碧荇搖   | 碧荇搖   |
| 三十七 | 五  | 九  | 生祠那坐鄉 | 祠在那座鄉 |

陽春縣志卷之十二

古蹟

城址

碑宅

塚墓

寺觀

石刻附

元吳淵穎之記南海古蹟也第得之傳聞猶憬然於廢興之故而志其崖畧是故功曹故宅樓鑰過而興衰孝子荒塋范雲訪而致祭古蹟之繫於人心風俗豈其微哉陽春邑綦古而陳蹟多弗傳傳矣而非詞人學士所稱述則不足依據茲為搜採遺軼擇其近是者著之篇後之人低徊憑弔因古人之行事識古人之用心將為之發潛闡幽修廢舉墜而不能已焉其繫於人心風俗豈其微哉附志金石亦高山仰止之思非徒資古鑒也

城址

陽春舊城

府志在今縣北八十里思良都銅石山之南宋景德中

陽春縣志

卷之十二

古蹟

壹

大馬站大同新記承印

本道轉運使以州城水土惡移治此未幾復舊即今治

莫陽廢縣

晉書地理志莫陽縣屬高興郡宋書州郡志屬高涼郡

齊書州郡志有隋書地理志無蓋梁陳時省一統志莫陽廢縣在陽

春縣西又引寰宇記縣以漠陽江為名

按今本寰宇記無此七字

廣東名勝志漠陽

江源出古銅陵縣雲浮山

原本作浮雲山誤按山在陽春縣北一百里順陽郡唐改勸州為浮雲郡本此今改正

南流過陽春

縣會羅鳳石綠諸水經南恩舊城直通北津港入海按陽春縣城西

即漠陽江故莫陽縣當在水西也

銅陵廢縣

舊唐書地理志本漢臨允縣地屬合浦郡

原本作允吳縣寰宇記作允吾皆傳

寫之誤今據漢書改宋立龍潭縣

宋書州郡志文帝立

屬新寧郡隋改為銅陵以界內有銅山

也屬信安郡唐書地理志勤州雲浮郡本銅陵郡武德四年析春州

置五年廢

舊唐書地理志作九年

萬歲通天二年復置長安中又廢開元十八年

復置治富林乾元元年仍徙治銅陵

按唐志又云武德四年析銅陵置富林縣州廢隸春州後縣亦廢乾元元年復置自相抵牾

輿地廣記與前說合從之

輿地廣記開寶五年廢勤州以銅陵屬春州元豐九域志

熙寧六年省銅陵縣入陽春黃佐廣東通志古勤州在陽春縣西北八十里順陽都舊銅陵縣在陽春縣北八十里思良都

按勤州初治銅陵開元十八年治富林乾元元年復治銅陵順陽都在縣北迤西思良都在縣北迤東覺相越太遠黃志又云宋景德中移陽春治縣北七十里思良都時銅陵未廢則相去太近參互考之州治順陽都即銅陵縣治無疑也黃志又云舊傅林縣在縣北八十里

隋開皇中置宋開寶初省按唐有富林縣見後又宋永初郡國有博林縣隋屬信安郡唐屬端州貞觀十三年省入高要並無傅林

縣即謂富林聲訛博林形訛而沿革懸殊已甚且不應與銅陵並治也今刪

甘東廢縣 宋書州郡志甘東屬新寧郡沈志永初郡國有齊書州郡志作甘泉一統志甘東縣隋省故城在陽春縣西北

按甘東縣在甘婪水東故名齊書作甘泉蓋字形之譌一統志引寰宇記云西城隋分甘東縣置可證或謂齊改甘泉誤也

西城廢縣

一統志引寰宇記西城隋分甘東縣置

今本太平寰宇記無此八字隋書

地理志西城縣大業初廢入銅陵縣唐書地理志武德五年復置後省入陽春縣

學慶府宋開寶中廢誤

黃佐通志舊西縣在陽春縣西七十里太平

都

舊縣志云縣西百餘里

流南廢縣

太平寰宇記廢流南縣漢臨允縣地方輿紀要梁置流

南縣隋書地理志舊流南縣開皇十八年改曰南流大業初廢入銅陵縣唐書地理志武德四年復置流南縣後省入陽春縣按文獻通考輿地紀勝記纂淵海並云開寶六年廢流南縣入陽春殆南漢復置也黃佐涌志舊流南縣在陽春縣西北三十五里順陽郡

羅水廢縣 唐書地理志羅水縣天寶後置屬春州輿地紀勝引宋會要開寶六年省羅水入陽春縣太平寰宇記羅水廢縣在陽春縣西南九十里黃佐通志在陽春縣西南九十里太平都按羅水在縣西南故縣以此得名

富林廢縣 唐書地理志開元十八年平春瀧等州首領陳行範餘黨保銅陵北山廣州都督耿仁忠奏復置勤州治富林洞因以為縣輿地廣記開寶五年省富林人銅陵縣方輿紀要富林廢縣在陽春

陽春縣志 卷之十一 古蹟 三 大馬站大同新記承印

### 縣北百里

按輿地紀勝熙寧六年省富林入銅陵縣與輿地廣記不同

### 署宅

布政分司行署在縣治西與學宮鄰距西門九十八步明景泰五年知縣李福海建正德五年署令本府照磨劉柴修正堂後堂各三間前後東西廂房各二間及儀門大門知縣黃寬又修架左右廊房隆慶間知縣許宗承張含理先後續修今廢為居民

嶺西道行署在縣治西與分司鄰距西門六十步亦李福海建劉柴修深二十丈廣六丈後知縣黃寬又修久而圯基址僅存萬曆四年大征羅旁本道何駐此知縣毛汝起倉卒創置大廳一座暨左右廂房前樹一屏屏外開半月池又架水月亭於池上引水栽蓮結構頗

雅八年署令肇慶訓導李斯石以海防同知蔡查究助學餘金遂毀其材變價還庫今舊址爲民間承蓋房舖者納稅

府館在縣治南明景泰五年知縣李福海建宏治十六年署令本府通判戴澄修正德五年署令劉柴又修深十丈廣五丈正堂後廳川堂東西廂房大門俱備後知縣黃寬重修今廢爲民居承蓋房屋者輸其稅焉

叅將府在縣治東百七十五步爲廨三進前爲儀門大門兩旁皆有曠地爲千戶所署萬歷八年指揮童克清架鼓樓豎石柱次第可觀後漸圯

國初居民承其地以蓋房舖納稅於千戶所該所官別賃民屋以居康熙九年守禦所胡自振呈請督院批府行縣會同該所官清出原址所署復全今爲民居

陰陽學康志在舊州城外東三皇廟內明洪武十一年訓術黃瑤設公廨三間二十九年廢今爲民居

醫學康志在故土城外東三皇廟內明洪武十一年訓科李旭設公廨三間與陰陽學同時廢

僧會司康志在縣北城外萬壽寺內明洪武十五年僧會法設廨舍三間既廢後奉文重修今復廢樂安驛在城南九十里明成化十八年按察使陶魯奏設於陽江茶水屯知縣邱祥重正堂後廳各三間東西廂房各一又設鼓樓一座及兩旁闌門隆慶五年知縣熊烈會陽江知縣王仲以土磚築城周圍二百丈萬歷四年羅丞鄒朝獻增修十四年知縣張文誥易以火磚後遭兵燹久廢

梅花塢在城南門外一里許舊學岡上

白蓮池在城南門外舊學岡後明正統三年與梅花塢俱因遷學而廢今為民居

勸農亭在縣北三里北亭岡上宋皇祐二年知州薛利和建明景泰間知縣李福海修今圯

招商院在城南門外宋皇祐二年知州薛利和建以延商賈明天順間知縣江琳修今廢

觀術亭在縣西河亭村景泰五年知縣李福海建為來往憇息之地後圯於水

河亭在城西門外過渡處每薄暮兒童聚釣而歌風景殊勝今圯案河亭

釣舊志八景之八

慶春亭在城東門外岡上明知縣黃憲清建今廢

塚墓

宋知南恩州王巨墓在縣西北漏澤園側壘土為阜今為民倚沒矣

譚學士墓在縣西南八十里大王嶺碑云宋學士譚公墓其人無考

陳學士墓在縣西八十里

鍾郎中墓在縣西七十里其人俱無考

薛大夫墓在縣北八里瀟江碑云中順大夫墓其人無考今亦修泮

明梁吏部墓在縣南二十五里南鄉都土名山口其子孫現居邑城

劉仙祖父墓在縣北八十里思良郡銅石巖東之半峰相傳為李唐

時劉三仙女祖父墳今尚在春夏不生草

漏澤園在北門外邑厲壇右明正德十六年知縣黃寬建今廢

義塚康熙二十五年建土名交岡陂平山坡曰鶴塘南在垠白牛塘  
長塘尾渡頭岡响石坡城圍陂青山陂藕塘坪紅花塘大冲岡大  
陂石綠陂龐峒陂祀堂岡風門岡校場陂沉峒岡茶根山大地陂黃  
沙岡扶民嶺白石陂

寺觀

龍興寺在城南宋淳熙五年建今廢

準提在城內西北隅康熙七年建乾隆四十七年游佐臣捐資修

嘉慶元年佐臣子瑞賢捐租十石

萬壽寺在西門外明成化六年南鄉都里民黎現明捐建

捨出百五十畝舖七間以供

火嘉靖元年在毀八年知縣楊和重建其後座為觀音閣康熙四十六

年黎族捐建嘉慶二十五年黎姓暨邑紳梁朝棟將世可何汝晟梁

恭猷等十人倡捐將寺閣重建買廟傍舖舍七間增建花王堂及客  
廳一所

紫霄宮在北門外萬歷四十七年建栢姓人施租八石

三元宮在北門外馮姓人施租五石

貽忠庵在南門外邑人汪宏燦建施租十三石

定慧庵在南門外順治八年里人胡衡覺建康熙十三年重修施租十石

東嶽宮在城內倉邊巷明萬歷八年巡檢蔣崇伯倡修

國朝康熙三十七年侯葉氏等捐施祀租一十六石宮後為慈雲閣右

光廟

泰山宮原在城隍廟後顯臣施租十二石創建廟二進一間順治

七年重建慶二十二年監生陳光彤倡捐移建廟後西偏南向

地爲城北楊祖燾子孫捐施

藥王廟在南門外乾隆四十一年陳元倡修施租十三石

大王廟在城南嘉慶十四年監生李光等倡捐重修

崆崗巖寺在南鄉都西河堡乾隆二十一年知縣姜山重建撥豐田

峒租及馮志明等租錢入寺

接龍庵在南廂都頭堡曾以宏陳碩彥曾爾敦柯一林共施租十六石許

蓮花庵在南鄉都三湖堡譚予積施租八石

獅子菴在南廂都頭堡康熙壬子年建嚴公捷施租二十一石

廣華寺在順陽都蓮塘堡寺租十九石嚴尊鳳捐施

來鐘寺在順陽都高岡堡

甘化寺在順陽都蓮塘堡寺租十二石山主嚴宅捐施

福田菴在順陽都蓮塘堡林姓租十五石

護峯寺在順陽都青山堡松柏墟嚴姓捐建

川山寺在南廂都南在堡寺租十五石草能嬰捐施

那南寺在思良都那烏堡莫來儀倡捐建莫量敵捐田一畝爲寺租

廻龍寺在思良都那烏堡莫文質施租四十石

那烏寺在思良都那烏堡寺租十六石莫文質捐施

銅石寺在思良都那烏堡明永樂間建文質施租與那烏寺同

慈雲寺在思良都那烏堡岑始元租十八石

渠峯寺在大鎗灣堡寺租二十一石零羅于文施

青雲寺在思良都那烏堡順治間建寺租十石并地租莫文質捐施

祇園庵在順陽都石望堡白馬村邊石山上林惟養施租五十石



龍泉寺在城西北九十里順陽都明洪武元年建康熙五十五年重修更名渠峰

新寧寺在大鎔灣庚熙二一年建黃學成等施租三十二石

龍巖庵在南鄉都石棗堡順治間鄉人翁寂韜建施租三十石

石峰菴在南鄉都石棗堡乾隆十五年邑人翁畧創建施租七十石

廻龍菴在南鄉都龐峒堡康熙十五年范端善創建施租十石

永泰菴在南鄉都那日堡康熙年間龍華庵住僧端舟建有祀租八十五石

青雲菴在南鄉都龐峒堡范寂孝施租二十四石

臨溪菴在南鄉都黃菴堡章望儒施租二十二石

欽明庵在南鄉都現堯堡陳完赤施租二十石

西華寺在太平都鳳北堡寺租一石劉姓及陳燦等捐施乾隆五十九年監生全家祥

嘉慶十四年歲貢生李家翰理問李才燦等先後倡修

龍華庵在太平都三甲天啟間鄉人劉大謙建子孫相繼修葺康熙

丁未監生劉啟鑰捐修劉大謙施租九十石

慈惠庵在太平都三甲康熙五年生員劉裔洪建內有司慎方公祠

劉家槃加租二十八石

普惠寺在鳳南堡河口乾隆四十七年武生蕭芳斯耆民蕭文勳建

嘉慶十八年監生蕭德上遷建增廓於朱紫韜蕭貞一施租一六石零其地亦

北帝廟在太平都三甲龐劉廷亮子孫建

黎山寺在八甲椽果根八坡黃建

廻龍宮在八甲蟬步河口貢生吳尙澄建施租十二

護國寺在八甲福祿河口黃守誼上清波趙振揚同建八甲堡紳士施

楊公廟在順陽都高岡堡崩河

麻公廟在順陽都高岡堡林姓施租十五石

合水廟在城北平坦堡莫次灣施租十八石

軍屯廟在思良都軍屯堡林秀生施租二十石

鯉山廟在茶口乾隆五十五年游佐臣捐貲暨呂作周章大朝等醵

金同修

石刻附

銅石巖石刻

予因按部稅駕

此山皇祐二年

仲冬月十九日

范陽祖無擇記

守郡辭利和工刊

庚寅歲端州匠人黎善誘刊

都知兵馬使梁全應監

右留題四行共二十四字字逕寸許在巖半壁上後二行字畧小

逕六七分俱正書

轉運判官周

惇頤茂叔熙

寧二年正月

一日遊

登仕郎行縣事梁鄰命工刊

住持監院僧瑞曇監

右留題前三行半共一十八字字逕二寸在巖半壁與祖判題名相連後二行逕八九分俱正書

陽春通眞巖

已孟夏再遊

彥先熙寧丁

轉運副使許

兩躡石梯層

七年馳使路

龕籠大業僧

壁倚乾寧碣

右五言絕並記名共四十字列八行字逕一寸正書其文自後而前在巖隙斜坦處

崆峒巖石刻

瀑布泉

三大字在巖後洞瀑布石上大盈尺字跡剝落相傳自元時已有此刻茲巖惟此三字最古惜不著時代不傳姓名耳